



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 159. Æneæ suasionibus bellum contra Turcas decretum

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. gesimi sexti non expiraverit, ejusque filii
A. C. 1454. ad Turcas defecerint.

§. CLVIII.

*Principum Germaniæ Conventus
 Francofordiensis.*

*Æn. Sylv.
 comment.
 Pii II. lib. I.* Præstituta die vigesima nona Septembris Francofordiæ conventus celebratur, cui interfuere Æneas Sylvius Frederici Legatus, Marchio Brandeburgensis, Gurcensis Episcopus, Theodoricus Moguntinus, & Jacobus Trevirensis Archiepiscopi, necnon Legati ex tota ferme Germania, unacum Nuntiis Apostolicis, & Marchionum Estensis, & Mantuani Oratoribus: Alphonfi vero & Venetorum Legati nonnisi absoluto Conventu Germaniam ingressi fuere. Aderant quoque Hungarorum, & Burgundiæ Ducis Oratores; illi quidem ut suppeticas peterent, hi vero, ut eas offerrent, quibuscum Joannes Capistranus, quem ubique veluti Prophetam suspiciebant, pariter advenit.

§. CLIX.

*Æneæ suasionibus bellum contra
 Turcas decretum.*

*Idem comm.
 lib. I. Et epist.
 131.* Quamvis initio minime audirentur illi, qui expeditionem adversus Turcas suadebant, & Ratisbonensis Conventus decre-

decretum, quo bellum hoc conclusum fuerat, penitus rejiceretur, nihilominus cum Æneam solidas duas horas perorantem summa attentione percepissent, omnium repente animi ad pristina belli studia incaluere, decretumque Ratisbonense de expeditione ineunda innovatum est, Hungaris quoque auxilium Equitum decem millium, peditumque triginta duorum promittebatur. Statutum præterea, ut ad Cæsarem Electores Imperii, ceterique Germaniæ Principes sese conferrent, ac ea, quæ reliqua essent, decernerent.

Sæcul. XV.
A. C. 1454.

§. CLX.

Supplicium Esparri capite truncati.

Hoc anno Carolus Caroliæ Comes, Ducis Burgundi Filius uxorem sibi duxit Isabellam Borboniam, Caroli Borbonii Ducis filiam. Eodem quoque tempore Esparrus in jus vocatus est, qui olim ex Aquitannia exul, Pictavium secessit. Rex haud ignorabat, proditorem hunc moliri, ut secretis consiliis Anglos in Gallias revocaret, ac altera vice eisdem Burdegalam urbem traderet, hinc eum apprehendi iussit, qui cum interrogatus, crimenque confessus esset, capite plectitur, ac corpus ejus in sex partes dissectum in diversis patibulis expositum est.

Joa. Chart.
hist. Car. VII

§. CLXI.

E e

Hist. Eccles. Tom. XXVIII.